

PROKLAMASIE NO. R. 18 VAN 2017**van die
PRESIDENT van die REPUBLIEK van SUID-AFRIKA****WET OP SPESIALE ONDERSOEKEENHEDE EN SPESIALE TRIBUNALE, 1996
(WET NO. 74 VAN 1996): VERWYSING VAN AANGELEENTHEDE NA
BESTAANDE SPESIALE ONDERSOEKEENHEID**

AANGESIEN bewerings soos beoog in artikel 2(2) van die Wet op Spesiale Ondersoekeenheede en Spesiale Tribunale, 1996 (Wet No. 74 van 1996) (hierna na verwys as die "Wet"), gemaak is in verband met die aangeleentehede van die Thabazimbi Plaaslike Munisipaliteit (hierna na verwys as "die Munisipaliteit");

EN AANGESIEN die Munisipaliteit verliese gely het wat verhaal kan word;

EN AANGESIEN ek dit nodig ag dat gemelde bewerings ondersoek en siviele verrigtinge voortspruitend uit sodanige ondersoek bereg moet word;

DERHALWE verwys ek hierby, kragtens artikel 2(1) van die Wet, die aangeleentehede in die Bylae vermeld, ten opsigte van die Munisipaliteit, vir ondersoek na die Spesiale Ondersoekeenheid ingestel by Proklamasie No. R. 118 van 31 Julie 2001 en bepaal dat, vir die doeleindes van die ondersoek van die aangeleentehede, die opdrag van die Spesiale Ondersoekeenheid is om soos beoog in gemelde Wet, ondersoek te doen na enige beweerde—

- (a) ernstige wanadministrasie in verband met die aangeleentehede van die Munisipaliteit;
- (b) onbehoorlike of onregmatige optrede deur die raadslede, beamptes of werknemers van die Munisipaliteit;
- (c) onregmatige bewilliging of besteding van publieke geld of eiendom;
- (d) onwettige, onreëlmatige of nie-goedgekeurde verkrygende handeling, transaksie, maatreël of praktyk wat op Staatseiendom betrekking het;
- (e) opsetlike of nalatige verlies van publieke geld of skade aan publieke eiendom;
- (f) misdryf bedoel in Dele 1 tot 4, of artikel 17, 20 of 21 (vir sover dit op voornoemde misdrywe betrekking het) van Hoofstuk 2 van die Wet op die Voorkoming en Bestryding van Korrupte Bedrywighede, 2004 (Wet No. 12 van 2004), en welke misdrywe gepleeg is in verband met die sake van die Munisipaliteit; of
- (g) onwettige of onbehoorlike optrede deur enige persoon wat ernstige benadeling vir die belange van die publiek of enige kategorie daarvan veroorsaak het of kan veroorsaak,

wat plaasgevind het tussen 1 September 2012 en die datum van publikasie van hierdie Proklamasie of wat plaasgevind het voor 1 September 2012 of na die datum van publikasie van hierdie Proklamasie, wat relevant is tot, verband hou met, insidenteel of bykomstig is tot, die aangeleentehede vermeld in die Bylae of wat dieselfde persone, entiteite of kontrakte betrek wat ondersoek word kragtens die volmag verleen deur hierdie Proklamasie, en om al die werksaamhede en bevoegdhede wat deur die Wet aan die gemelde Spesiale Ondersoekeenheid toegewys of opgedra is, uit te oefen of te verrig in verband met die genoemde aangeleentehede in die Bylae, insluitend die verhaal van enige verliese wat deur die Munisipaliteit gely is.

Gegee onder my Hand en die Seël van die Republiek van Suid-Afrika te Pretoria op hede die Tiende dag van Maart Twee duisend-en-sewentien.

J G Zuma
President

Op las van die President-in-Kabinet:

T M Masutha
Minister van die Kabinet

BYLAE

1. Die aanskaffing van of kontraktering vir goedere, werke of dienste deur of namens die Munisipaliteit en betalings wat in verband daarmee gemaak is op 'n wyse wat—

- (a) nie regverdig, mededingend, deursigtig, billik of koste-effektief was nie; of
- (b) strydig was met toepaslike —
 - (i) wetgewing;
 - (ii) handleidings, riglyne, praktyknotas, omsendskrywes of instruksies wat deur die Nasionale Tesourie of relevante Plaaslike Tesourie uitgevaardig is; of
 - (iii) handleidings, beleid, prosedures, voorskrifte, instruksies of praktyke van, of wat op die Munisipaliteit van toepassing is,

en verwante onreëlmatige of vrugtelose en verspilde uitgawes wat deur die Munisipaliteit opgeloopt was ten opsigte van—

- (aa) vloot-verwante goedere en dienste;
- (bb) veiling of batebeskikking verwante dienste;
- (cc) die opstel of implementering van 'n batebeskikkingsbeleid;
- (dd) afval bestuursdienste vir die Northam vullis stortingsterrein;
- (ee) die verskaffing van kantoortoerusting;
- (ff) die omskakeling van konvensionele vooruitbetaalde meters na slim meters;
- (gg) menslike hulpbronverwante goedere of dienste;
- (hh) die verskaffing van meterlesing verwante dienste;
- (ii) die verskaffing van skuldinvordering verwante dienste;
- (jj) die verskaffing van kredietbeheer verwante dienste; en
- (kk) die opstel of implementering van 'n kredietbeheer bestuursbeleid en die bestuur van die beleid.

2. Wanadministrasie in die aangeleenthede van die Munisipaliteit ten opsigte van werknemersbelasting aftrekkings en die oorbetalings van sodanige aftrekkings aan die Suid-Afrikaanse Inkomstediens en enige verlies, nadeel of vrugtelose en verspilde uitgawes wat deur die Munisipaliteit opgeloopt was as gevolg van die wanbetaling of laat betaling van sodanige aftrekkings aan die Suid-Afrikaanse Inkomstediens, insluitende die oorsake van sodanige wanadministrasie.

3. Die versuim of weiering van die Munisipaliteit om—

- (a) tydig op te tree teen gevolgtrekkings of bevindings wat gemaak is; of
- (b) aanbevelings te implementeer wat vervat is, in 'n finale verslag getiteld "Possible abuse of office: Forensic Investigation", gedateer 29 Oktober 2014.

4. Enige onwettige of onreëlmatige optrede deur raadslede, beamptes of werknemers van die Munisipaliteit of die betrokke kontrakteurs, verskaffers of diensverskaffers of enige ander persoon of entiteit, ten opsigte van enige van die bewerings uiteengesit in paragrawe 1 tot 3 van hierdie Bylae.